

寶
雲
詩
集

序

古來高賢遯世無悶如投淵鑿坏甘寂寥而忘怨排發
爲嘯歌寫其曠懷者不乏矣未有如吾

世父西菴先生匿迹全道若此之甚者也先生博極羣
書性尤嗜退壯歲居士林聲稱籍甚而逃名愈急至欲
刊落家乘散去田廬卒從瞿曇家學得法濟上出世靈
巖蓋嘗歷洞庭泛湘漢登祝融峰矣歸來吳越閒一葉
身輕蹤跡若寄策嘗訝之謂此衡山一片雲飄蕭江滸
已耳猶憶十年前與先生商挂瓢地笑指苔之郭西夾
山草蕩以南微波雲流巒壑月映似此中有佳境業營
片席踞一水而飛四香可以小憩而先生又他往焉噫

嘻此後殆不可追矣愚嘗讀逸民傳儒家有顏曾簞瓢
獨樂浩浩眉壽尙矣子房從赤松遊鄴侯隱嵩華終南
皆似黃老之學若乃晉代宗炳周續之之流則廬山蓮
社中人抗首霞衣爇香滌鉢儼然方外然與陶靖節詠
時命賦歸來同一高尚始信古之逸民迹雖不同而志
趣則一也今先生糠粃世緣冥迹高蹈瓶錫所至唯恐
人知故去而不留卽所作詩亦湔澆紛華殆盡色生於
無色味生於無味故澹而益永誦其詩可以知其人矣
向所梓行豐草詩文易發等書數十種問世已久今年
春裘夏江屏兩弟又刻寶雲詩集若干卷放雲閬仙同
事較閱紀子大韶列在及門寶與贊襄焉先生自丁未

寓堯峰以後爲石屏爲玉板爲東石澗爲菁山常照爲
東湖寺爲紫石爲陽羨南嶽皆挂瓢之地楚齒落梅靜
睇鴻雪則有畫石編西荒編摻艇鳧蕩採藤嚙雪則有
洗藥池編船子往來倏忽無礙松飄紅墮聲冥太空則
有積雨編夕香編掛瓢集拂煙集迄乙丑歲杪而止噫
先生之詩手自刪定意深遠矣孤行已意困苦何辭偏
嗜得真豔生平澹彼衛國之稱志和隱而有名顯而無
事廬陵之贊聖俞窮而愈工嗟乎是何足以頌先生哉
時康熙己巳歲正月旣望猶子漢策百拜撰

寶雲詩集總目

畫石編

西荒編

洗藥池編

積雨編

夕香編

挂瓢集

拂煙集

寶雲詩集卷一

畫石編

漏霜南潛著

題昭法畫石

箬廬圖上遭鈍置畫我支筇看冷雲個是渠儂親寫照
碧嶙峋繡古苔文

丁未八月同三峰僧兄宿靈巖大鑑堂之東軒
深更往返感慨係之

聯牀話雜空階雨倒像東軒與雪堂老大情懷同作惡
江山今古各飛揚六書苦論銷茶汁寶鏡平提鬪燭光
時論寶鏡
三昧同異欠我華亭舊船樣幾時點筆付滄浪

八月廿七日南嶽老和尚竹輿至堯封江上張

大圓居士毘陵王雙老木瀆趙拜石華山燧兄
和尙及山中翼菴狀伊辛穴諸兄同集二律紀
事

白頭父子清湘轉四壁圖書秋翠分畫手小輸廬嶽卷

遠公畫廬山圖一卷幔亭未羨武夷君高山流水同聲貴石瀑松

風別調聞禮樂猶尊文獻在碧簪正繞洞庭雲

嶽面大風依竹杖湖天細雨又肩輿更煩柱下猶龍叟

催補堯年封禪書大圓居士謂余當補放勳封禪書也蜃象樓臺留浩氣

雲成寶鼎壯松廬散隨排日追游屐看到梅花歲未除

病目乞藥於拜石

清眸還我一雙碧楓葉猶能十日留單等鏗然筇竹響

打泉煮茗說潭州

寄巢端明

補山座上說端明生死論交哭失聲

湘中謬傳端明游道山已數月斜

日半塘收別淚春風石佛待重行

半塘遇黃復仲始得端明消息端明舊隱

石佛路

射堂晴雨新家課草閣江湖舊畫評茗椀共持頭

其白遮回判與盡三更

半塘晤黃復仲

郭西山水冠吳興清絕初平屋幾層我亦渡頭先借住

恨于樵艇未同登

余昔寓鹿山草堂時復仲兄弟菜精舍郭西咫尺未接言笑

文章

畢竟誰酬價寺閣荒寒尙獨憑歸去寄聲巢父著堯時

怪石不曾崩

廣陵天寧遇井人

廣陵重見夜鐙親總話山裝不話貧雁蕩我縫看瀑笠
武夷爾亦未游身晉鋒鬱律雲門篆蜀管飛揚雪嶺春
不盡西軒枯絕句知希能與幾人論

讀五牧劭兄風雨至勿齋徐先生墓下有感之

作次韻

石庫英華憶碧岫

十五年前夢至一洞天額曰碧岫邊有石庫藏書書皆述古今臣節余有

碧岫石庫記

文關忠孝句偏尊提醒東壁圖書府身是南宗

社稷臣

劭兄有大勳勞於禪林

放日湖山空百代論心澗上得三

人

得詩之日期其

松門風雨敲吟笠吾道從來本大倫

曩作進道解元哲合孝章諸名家文付裝匠而

孝章書其額曰離文字相客有讀新詩疑六書
擔子深屈元哲余復自理

離文字相幾年餘肯把新詩觸忤渠黃石名成譚博浪
武夷仙後獻乾魚苦寒汾祖殘山舍經緯周家舊隱居
周續之通五經五緯有廬山隱居底裏傾來遮不得可知離字也應除

偶書

王冰擅補天元論誰痛軒皇屈未伸看注內經林屋序
妙高頂去叫斯人
蔡林屋序其弟內經注辨深明世說之訛

卽事

到眼茶煙舒疋素打身木葉勒秋紅風傳隔隴鐘三杵
燭炤未成書一叢

洗樹根籍兩足

放閒天柱峰頭脚冷蹋吳山老樹根像獅子兒像伏兔
客來判與細評論

茗葉盡則飲薔薇

雨窗夜渴傾茶帖曉起重吹瓦鼎灰奪得千峰杯裏色
薔薇新翦嫩青回

湖上村

胸中雲夢誰酬價口角枯柴不佐炊四月梢頭湖尾冷
棟花紫暗雨如絲

雨中超侍者歸自木瀆

已公巖畔雨點麤蒼苔滑躡雲模糊憑將木瀆歸裝寫

活現衡山冒雨圖

夏至日讀春浮錄云政禪師韻致清遠有錦谿
集三十卷恨不及見之

禪林霧塞三千里墨苑荒來五百秋縱是錦谿真本在
論文肯到政黃牛

超侍者有插秧詩用其韻

護秧天氣陰晴變帶溼黃鸝倍惹聽披搭半肩阡陌在
輸他翡翠一分青

西村雨來

大幅東絹著水墨雨在陽山箭缺西陣雲未到桔槔卸
冷綠堆雛鳥蹏

水車詞

天荒地老意難傳
倒腹傾腸定那年
爭似轆轤翻暮雨
一時吐盡在君前

抽動寒泉百尺深
綠楊曲處聽車音
須知嗚咽聲聲訴
訴盡千迴萬轉心

寄聲香谷在

神傷乍見阜菴說
哭弟詩傳一百番
雙槩打來乘九月
接天秋水在西軒

九月尾聞佛巢逝矣

水窗版屋詩千幅
黃土青松壁一雙
才點遺文標絕筆
昨拾電拂遺文寫一卷
又垂秋淚發吟箱
雁門故事愁鴻雪
香谷菴名

鴻雪紙燭因緣黯漏霜佛巢參余補非復遊湘楚分隔煙
江何處叫蒼茫

老和尚有勿齋徐公墓下之作命潛和韻

磊落陽山骨高寒一墓專松門方外禮儀注野人傳往

哲留家法吳中首此賢幅巾同學後昭法飯老和尚豎

義轉澄鮮

落梅片子歌洞庭近歲出新意采五月茶焙法清異名不雅馴余名而作歌

四座勿喧停茗椀聽說文章與書畫古文濃鍊取工明

周誥殷盤最光怪龍門史記盪煙雲出之以淡尤瀟灑

畫自唐開南北宗直到倪迂別宗派山情水性氣息無

點墨幽涼同沆瀣不阡不陌晉書法褚虞顏柳空疆界

淡來怡勝趙吳興雲閒親口丁寧誠工窮巧極逗天真
法到盡頭如脫械世間萬事貴疏宕茶事新更非法壞
焙芽已奪龍鳳團廟後名高紫筍殺茶經枉自討精腴
蹙縮廉襜當日話洞庭茶法出意表掌大摘將如狡獪
肌分理卸焙溫柔文火輕於冬日曬逸品誰將色味煎
五月松風同日賣放倒旗槍不著提落梅片子名聊疥
清微標致絕風塵侯以晚甘安肯拜還蒸豐草非煙香
副以清泉稱二快

九月十七夜粲白兆在香谷及支石集補船雁
影堂明日將至鴻雪得乾字

彈鐙說著葦花灘蕩漾秋窗作許寒眼見黃牛追白馬

促教青士夾蒼官釘來堂額題還溼放下泥盤壁未乾
定靠蛾眉豆棚坐蜀中山水話更殘

聞道晴沙雪半灘秋吟聲透樹身寒何曾蔬筍關詩病
一向庖廚薄大官思要吐雲天日活句如入水石脾乾
槲頭船子尖頭屋來趁江楓落未殘

有叢漁屋隔谿灘可構危樓像曉寒也學林逋餵鶴子
免隨楊朴賽蠶官殘僧幾個樹腰簇老雁一聲雲腳乾
苦向西風憶詩電句中神骨不曾殘

電拂侍者能
詩亡五年矣

軍吳漾

秋漾荒荒白軍吳事杳茫詩緣隨窄艇風信委枯桑泥
塔雙橋串驚濤破寺當因之話黃鶴樓勢等孤翔

泥上
聲讀

鴻雪後軒余額之曰雲荒

枯柴儘穀一冬煨留著膨脝老芋魁尙少谿沙堆覬穀
西風吹起紙鑪灰

煙裏鳧聲柳裏塘鱗鱗秋浪隔漁莊漫將渴筆雲荒字

抵對花荒與月荒

老鐵春作花
荒秋作月荒

秋遂藏瓶匊眞寂大師手墨有坐香小食帖

不睡關心夜竈柴禪林衰相苦安排蒲團刻漏嘮叨囑
香緣還拈醉墨齋

雙林寺同白兆支石秋遂聲宗諸子夜深坐話
舊蹟已看天眉詩本

開元石像太沒興靈跡江浮又一回孺林兒林敲古額

慧遠慧持愴老懷

指香谷弟佛巢

睨人月向谿口吐出格話從

天際來大珠圓成小珠滾歷落滿盤驚異才

天到橋

宋高宗南渡過此橋左有龍船嘴

軋村留輦道家乘記梅花更豔龍船嘴曾喧帝戚家櫻

輿懷潤幸栗玉已京華

徽宗南幸至潤州御櫻頂轎子及還京服栗玉並桃冠見老學

記

白塔千年淚冬青溼冷霞

返補船重寄雲荒

小立凋騷禿柳灘相當骨相鷺鷥寒問來草木名皆藥

製得文章樣不官雨後山迎詩版綠田家樂取稻叉乾

筍鞭菜甲般般損贏得雲荒圃事殘

江聲磊落聽昭灘踟上朱陵步步寒詩佛新條頌四座

寶詩十一
樹王作氣擁千官一篇獄記文同闕幾朵廬峰想未乾
打點包腰補遊案相看鬚髮各凋殘

和病目

柳暗花明等是閒寫懷絲竹黯相關碁圖路路斜飛陣
畫牒番番懜懜山古今史事上心處長短更聲默數閒
老愛煙巒看無分尋碑屐子夢中還

題王勤中罌粟小幅

倒盡撐腸罌底粟來看透紙霧中花還敲怪石星星火
翠潑頭綱廟後茶

祗緣罌破難收煞刻地牽連黃粟留四月草花山似錦
惱他百鳥樹梢頭

往泖中行一日與支石立江上見神馬蹋江而
過大奇寓南林看鄭霖巖畫馬扇面作短歌

小孤山下濤花灑浩蕩秋心滿秋野霧鬣風鬚指顧閒
亂蹋長江一天馬當時苦恨無人寫見君畫馬青楓下
提起舊懷愁一把老鄭虔家克家者壯游莫惜衝人鮮
九月先太史墓下作寄幃孺

肅皇禮樂古無儔賜馬爭傳天路遊鳳翥鸞翔文六世
西清東觀史千秋傳成偕寶分家乘集彙梅林補玉州
得汝采眞成合璧竹林安獨擅風流

過石湖

石湖的是詩樣子淡到極頂顏色鮮吳興最冷夾山漾

兩處可浮船子船

老和尚示海苔詩命潛續詠

麻姑鳥爪擘不得知是蓬萊殿腳苔三千年後水清淺
化作彌天翠玉來

寶雲詩集卷一

寶雲詩集卷二

西荒編

寶雲南潛著

西荒之始

歲晏乞骸骨西山蹋凍雲一荒老將至百嬾研先焚豐

飲合瓢相投林混石羣作書報巢父嶽屐儻余分辛丑寄巢

端明詩云會從本師乞骸骨五嶽與君同往還

隔歲不晤介軒雪後相見補船恣言山水介軒云一笑那可得此語可念介軒今年政七十矣

略例視前哲登臨卽勝場風流成二老不朽指叢篁茗

味消餘雪詩心逗遠湘橋名定今日倣古隸書堂舊居鹿山

瘦頭村有書堂橋顏清臣同皎然簡書處

題涵侍者絡藤樹

嚼雪衡雲中側腦見古樹至今瓔珞網垂青得偏勢

雪後上堯封頂作澗上畫評

雲山料簡到荒古如點韋郎五字詩淡而雋得味外味
積雪來看應倍宜

比於閣帖書逸品灑落王濛神似之老木寒沙是何許
孤游欲赴山樵期

登縹緲峰半嶺得雨雲

峰匿不易見層青沙道盤飛雲解珍惜含雨裏噴吮縹
緲懸心合煙霄失路難緣知古人意名定弗輕安

水月寺

繞寺不能去碑看正統年感時遺刻重懷舊路松傳泉
遠受山翠花孤眇眾妍誰憎一峰隔雲片望中連寺門碑記

正統十
五年

南瓜

黃玉中函翠羽塗輪困野質委山廚判將枯梗隨豐草
贖有閒名合鷓鴣鷓鴣鳥一名懷南七箸麤充分曉杵中流憑
仗媿浮壺從今繪入田園樣定壓青門五色圖

見茂倫近體驪珠集感賦

姓氏驚看半已淪浪游天地媿閒身要從品外見神賞
頻向卷中呼故人詩入餘年裁善別交今亂後倍知真
裏江渺渺虞山近虎阜吞聲記水濱集中載王雙翁虎阜詩題有西銘先

生及余
一段話

立冬四日祭西園從庚村來夜集水堂

夾山漾綠蓼花丹細雨朝饑百里難貧後詩囊離舊線
老來句味畏餘酸谿村茗竈憂松子秋館遺裝祕飯乾
引南朝高僧
笈中飯乾事紙價正高風力緊一天柿葉又吹殘

題湛思園中草木畫冊

一架青光覆冷雲肯將紅墮怨芳羣祇因濯手三秋露
讀遍韓家大雅文
薔薇
折枝

瑣事誰徵越絕書浣花響屨幾乘除梧宮秋曉西風急

八月江聲怒子胥

西施
夢草

簾外春風玉翅蘇輕黃松粉染花鬚還將鳳尾山堂調

鼓吹滕王舊日圖

蝴蝶花 樂府有鳳尾草歌 余昔製花

歸去來辭入夢新一天字雨白如銀秋堂叫絕昭陽史

祇許衡山草記人

當歸花 余往刻昭陽夢史中有夢天雨字成一篇歸去來辭黃九煙居

士絕賞此書九煙有南嶽游記

又題畫冊後六絕

一曲虞兮水調哀 芎蘿千古媿琴臺

吳人傳研山琴臺為西施月榭

如錯下龍門筆老子韓非合傳來

苔中閑紫瀾題虞美人草樣旁及五湖故

事比之合傳

南渡秋風叫嶺猿 石湖雜興引田園高僧苦惜宣和墨

草白沙黃雪正繁

長生此和尚題畫絡繹有見徽宗草蟲樣感歎之語

白頭陶老碧湘中 書及吳興問寓公待共祝融峰面立

問他天上寄愁宮

黃九煙題萱草引埋憂之語頌陶仲調書來寄聲九煙問游跡

司勳吟力起南朝東觀聯詩墨未銷欲向華山呼枸杞

當時仙隸記雲韶

皇甫堯臣題畫枸杞嘉靖中司勳與先宗伯文筆往復昔陳希夷在華山

有仙隸二人一日黃精一日枸杞

吳興仙卉洛如花郡有文人色倍誇射眼杼山蒸五色

可巢霞起墨莊霞

毅夫翁題洛如花樣長君紫瀾印曰可巢毅夫印曰墨莊

宗工冠代宋潛谿昨見丹鉛氣吐霓寶玉大弓分署畢

一編爾雅又箋題

湛思年來事列朝文選昨從曉寒漁所見評論宋學士集

黃九煙居士重過寶雲

不朽文章感慨餘未成吳越卜新居北天簫鼓仙韶樂

夢國河山太史書

自言將製北俱盧傳奇又有夢史高一尺嶽記清裁空左

馬禹碑真訣授樵漁

竝隸九烟事

何年去挈東籬叟

謂湘中陶仲調

三笑重將旅抱舒

虞聖民七十作詩為壽聖民前病目

霧中花色晚晴時料得方瞳炯菊籬待注玉蟾鈔綠字

先催銀燭畫烏絲神樓舊墨當年話

二十年前余為聖民作志園圖記引

先輩劉南坦神樓

游譜新編此後詩瓢飲差豐圖贈與堯雲一

片永相期

堯封頂有怪石名堯時一片雲

追和余鴻客首春雪中遠贈之作

江左聲銷感慨頻論交山水見斯人詩聯石鼎吟緣癖

雲洩香鑪畫樣真

鴻客作名香供故云

苦擬二泉同茗味

寄詩日余尚在

谿愁教四角礙車輪峻嶒一片堯時磬來坐楓林別調

春

堯封頂
有磬石

鬢鬣煙寒遠岫空
檐冰敲徹玉丁東
賞心事續西山後
絕妙詞開白雪中
得鴻客詩時方
從西洞庭來
孤嘯不期逢
阮藉放
情何惜忤山公
相從攀得唐詩例
一個爲雲一個龍

冬青軒

冬青誰記舊題名
窗裏吳江煙際城
饑禽啄樹寒日下
漏葉灑牀疏雨聲

前十年共幽棲
石兄和尚山樓集話有結伴游
湘之期今年辛亥兄一周甲子述遠懷以爲壽
江南好山都上心
江南故人馳好音
祗看髮共故人白
難得好山棲
其深望衡對宇情
話長畫裏移居樂未央

我亦瀟湘洞庭客相期故人游故鄉楚山好並吳山好
衡山紫月湘煙縞寫成雙笠看碑圖畫苑千年傳墨寶
西田謠壽王太常煙客

西田老人雙頰朱西田秀野天下無爲督西田看雲約
十年不寄西田圖花連鹿柴辛夷香鞞川流傳圖卷長
古今相望詩畫絕鞞川整暇西田荒山水由來貴荒逸
高人雅會從眞率西田對話挂西窗霜葉聲中看點筆
聞大已上峰頂立望成詠

故人待未至木葉吹滿殿巖側青玲瓏竹樹長廊串吳
山茲最深苔磴幾舒卷霜晴紫石灣林迴雲亦善山輿
迫清詠逆料先鋪硯

得脫菴江上信前聞脫菴臥疾累月

夜窗三十刻鐙燄不支霜定思雲變巖崩話蒼涼身
在憑書到吟孤惜路長來聽龍嘴勝我已字西荒

吹雲

西風葉葉動松鱗吹雲作波波作雲不知萬古秋湖面
誰管飛綃白鷺羣

廊月示霜樵

乍疑入峽路積竹儼蒼崖斜月晚西嶺流光依我儕高
林自成晦孤照不妨埋殿角石泉滴泠泠清未涯

櫻桃歌寒夜闕李君實先生紫桃軒集稱文與可櫻桃歌余遂點筆為和

綠陰射透江霞赤赤玉盤空驚一色麻姑狡獪撚丹砂

灑作桃花彈丸石桃花彈小藥一九只打黃鶯花石闌
冥冥花氣飛花彈花彈鶯含花未殘

寄靈璧靈珏

樵法名靈璧
未法名靈珏

王維小簇嘉陵片絹素春移大同殿海水真投一滴中
化工奪得無人見文章蒼莽無意求交加綠樹奔松鼉
忽然點注元氣集一尺蓬山十二樓

燒葉語

雲濃葉溼煙不起獸炭人閒鬪形似蟠花鴉鴿胡桃紋
圍話渡江供御事孫登生不愛風塵蹙口鸞聲太古春
放渠散髮莫傳告分付西山作炭人

懷鄭桐菴首夏從澗上見桐菴天論三篇

誰把天論百迴讀拈提桐菴千古心異端滿地浪言命

吾道經天須正音西學天主賦命之說老興山水跡疏

放著書門館風蕭森麤成易發出少作肯與膏肓下一

鍼

老人四影軸軸占一時老人命潛各述四句

橫枝鱗老骨珊珊灑袖餘香雪辦乾一意嶺南風味在

管他高處不勝寒春情

滿殿寒青避暑來難尋覩史一分埃而今掃葉歌雲漢

恁大胸襟自解開銷夏圖

嫩桂當初只二株冷香秋曉四山鋪待看滿地黃金屑

更補靈山掃桂圖秋崖圖

肯將束皙補亡誇純孝難箋古白華掌大雪花風力峭
辨知詩正不關葩歲寒

壽箬廬處士

蒼然寶雲樹寒射箬廬門引望念彌日到來忘所言市
聲桐吹隔軒勢竹中尊待合匡山社東籬古製存

霜旦有客讀殿角碑

雲中舉指憑樵隊鷹外呼風遇獵師不知盤過幾重樹
滿履苔花來讀碑

從研山返堯峰下竹輿一晤朗威而去時朗威
病後

冬山靜默類高士古澗澄寒生遠聲病起書巢間客座

感懷野築話躬耕漆屏風暗添詩眼時讀屏上新詩花石闌圍
放竹萌句愛故交籬舊熟坐深忘了筍輿程

寒日

山寺日出簇煙翠曉堂人靜空風林瓏鬆窗紙松鼠影
搖兀牆藤凍蝶心雲脚斷處閃樵擔霜花濃來低鳥音
詩家雲門是李白豪氣辟寒抽架吟

吾友不寐翁屬詠春草閒房久未寄也秋中七
十初度設詠為壽

蕩漾波紋綠未消江南春晚繡茸嬌暄風客屐披三徑
微雨池塘夢六朝狼藉墨花分曉翠飛揚生色染輕綃
高年重把離騷注磊落文章雅學饒

山館卽事

索索冬山收綠潤
泠泠暮館坐餘清
耳邊乍得江村意
風卷前谿鴨陣聲

臘月見石谿兄臨岐畫跡

垂盡苦拈示傳來
楓葉圖秋令人短
氣筆況出心枯湘
路絕浮鷁白門曉
烏斷巖殘扇墨尋
著淚重濡

寒曉

拂拂寒原白泠泠
漸曉天鳴雞雙翅
雪老檜一身煙不
定掛瓢樹清空出
縷泉蟹行琴調急
窗紙受風偏

往隨老人浮湘不
及登廬山望山影
歎耳汝晉
兄頃從楚歸詩卷
中有及廬山者觸
余舊恨

廬山入夢寐身尙未爲僧及此一頭雪應爲五老僧高
賢終寂莫飛瀑舊憑陵更復慚宗炳丹青學未能

代簡問拜石病目

一杵清鐘冷翠間雲生閉目竹窗關世間色件相當少
挂起長蘅著兩山

雪獅子

出窟獅王玉一團喜逢大地展霜紈花迷笠澤西奈舞
臘盡吳山咋愕寒西奈山端獅子在此焉古路橫身羣色
避春風滴乳後來看摩挲會見藏牙爪柳絮漫天漾碧
澗

菜花

花畦仍舊稻畦痕桃李同谿祗異根夕陽滿地連香海
黃蝶春風鬧水村不辱泥塗留正色肯憐瑣屑念深恩
繁絲急管雲天隔牧笛聲催社酒溫

春盡

谿雲將雨不多點山鳥送春無限聲放行稚竹過牆好
貼體風松掠耳清

四月晦日作

乍伸四指月頻除長至輪來半歲虛花事闌珊看百藥
感懷將次到三閭吳郎衣摺蓴條潤諸葛皮膚柏榦疏
吳道子畫釋像衣摺如蓴條
諸葛孔明手膚疏如松柏紋
七箸驗來身對炤麥秋天
好喚山輿

蠶豆

落梅如豆豆初肥綠繡江南乍減衣采桑天氣青羅膩
潑茗谿堂紫燕飛好賽蠶官同薦麥合遺孤竹溱山薇
上沙孺子偏珍嗜知有斯人知未希

吾友昭法
篤嗜之

五月山房冷

五月山房冷憑高物候更圖中看積雪煙際指孤城叢
石吐清氣幽泉飛雨聲菰蒲青滿眼思殺釣船橫

新篁

透空寒玉太清生蹀脫人間草木評雲表未甘春寂寂
夜深猶自玉鏘鳴
生成青骨冷難圖金錯刀寒篆法枯絕倒人間依樣畫

破牆鐙影勒秋蘆

託根絕壑稱清羸脫卸寒煙逐節奇塵土才離判荷任
滿身春雨不低垂

山雨來

樹綠飛寒沼似苔車聲隱隱澗西迴眼前移得煙波色
雨在茗谿一角來

插秧鼓

插秧鼓鼓聲沈沈入谿雨千山花盡不催花催得秧鉞
向人吐向人吐時人半醉秋成重說明年事明年事春
風狎獵鬪春旗吳布濶裁書社字

雨中點孟郊詩

寶詩十一
孟郊不在唐聲在吳山雨雨作孟郊聲聲寒味成苦苦
雨打堯石慎莫入場圃入圃藥苗愁打石清音吐

暑中絕句

催將暑退支藤架斲放雲歸開竹窗茶話新醅惟種藥
路程舊本是湘江

種藥藥單尋遠志湘江江最說昭灘遠志志於山水好
昭灘灘子使篙難

樵擔吟示霜樵諸子

漏霜樵擔未卸苔谿谿路未遙苔山苔水如畫我本苔
谿老樵

得山中樵者問作五樵圖

寒綠沒層軒軒中人亦綠樵斧礪青山秋林眼樵東

樵五

圖漏霜日補樵霜樵日霜樵青迴日青樵西
瞻日秋樵兼樹日兼樵五樵皆冬青軒中人

追昔遊寄井人

苔水綠如煙苔花白如雪苔花與苔水清秋雨奇絕苔
水似瀟湘湘煙江路長湘江忘不得家語斷人腸田田
藕葉浮采菱西渡頭西風吹老淚轉船追昔游昔游入
湘煙茲游入苔雨煙雨入秋詩詩成委南浦

樵莊四詠

矮山叢綠秀爛漫斷崖紅何須畫湘路掇上小屏風

瀟湘岸

樵是江南僧只作江南語鄧尉及包山棲賢三處所

梅花

柴

風吹蒲葉低葉葉明秋雨風吹樵子衣一線一絲苦青蒲

風霜切歲暮惻惻徒然已獨有歲寒林青青影苔水冬青

讀賈誼傳

宣室承清問憐才漢帝真長沙從遠宦明主保孤臣痛
哭身謀廢傷生密眷淪空將遷謫恨百代慟詞人

示霜樵超書記

龍嘴石非石定是樓臺雲作記我心許筆渴無奇文舊
年蹋落花尋我小西湖秋風打兩漿重去寫秋圖

趙拜石至

適逢樵老飯鍋熟乍迂穿松竹轎來急索箬廬圖洗眼
畫箱藥籠一時開

兼樹複子中有靈源寺詩冊想見前輩訥公其
祖也

南州遺老集往往歎訥公炫日苔編黑迴腸手澤逢借菴

先生山川前輩異吟嘯五湖空秋寺詩能續梅花兩世

窮余擬秋過靈源

遲季章定藥劑

石牀虛設不安琴山水誰知絕調音西嶺浮青游子意
涼風貼體故人心軒轅書裏方應缺蜀道難時苦未禁

洗削肝腸投世好回生綫路此中尋

靈珏未持趙心山先生畫幅來

疏林依約雲谿灣索靖風神字畫間南渡後人誰復憶
水堂提起趙心山

水鳥

汗漫終何適呼名亦自藏柳絲千種護荇帶十分香野
渡豚山影冷雲隨夢鄉浮家泛宅者煙水倘相將

題唐子畏擁鑪小幅

梅鬚凍損縮項看蟹眼聲遲蹙口呵不信北風吹馬耳
層冰兀影渡黃河

聞荷

晚荷搖遠渚曲嶼逗樵風小立數人影都浮香氣中澹
覺暑無力靜來谿轉空終思廬嶽樣秋沼一禪宮

潭影

影落寒潭中洗衣兼洗影洗衣秋摺清洗影山心冷洗
衣衣有聲洗影雲花輕寄言潭上者不如洗浮名洗影
不洗轍洗名人迹絕

谿閣

桐風高病色蘋路宕漁音借此閣游屐差爲中野心文
章平處得山水淡中尋始信龍門史言奇讀未深

采菱苗

采杞亦有時采蓴秋客思采菱更替曲聽我菱苗詞受

月得涼骨承煙生雨姿沈妍自柔適婀娜谿風吹風吹
菱葉翻葉葉秋心繁秋心與秋路繚亂不能言

伯父季爽先生畫冊歌

借菴先生童牙稿自敘所謂故人趙廣業諒士是我童
子師南渡王孫長文氏一童子時聞師言神廟朝海內
太平山川潔清同若父匹馬秋河昭王古臺下感慨久
之同若伯父游學南畿二當是時南畿游學鄉中平涵
相國司業望衡對宇歡若金石大司成某源源本本泌
園絳幃三季爽先生豪氣五千尺宋小侯置酒雨花臺
擊筑筮篔飲酣耳熱大丈夫死未忍屈首抽黃對白四
明日入謁大司成大司成曰起起昔大宗伯文章勳德

未墜黃門先生捐棄茅夫人教子義方天下聞五茅夫
人教子子咸成名君逸才能作畫蟲書飛白網羅西山
古文胡不攻應制文章一鳴空羣六吁嗟乎悲應制文
章可爲也而不可爲季爽伯父所以散髮清潯孝養道
尊攜手丹青宋石門七舊日畫廚石門對軸作手淋漓
識者曰有筆畫莫微於筆墨不可以有墨而無筆況二
者俱無何以爲八秋船問疾門人靈珏持季爽先生畫
稿江山咫尺古道猶存九我季爽先生哭王母嘔血死
孝孝子節士斯文章書畫之大旨歌以言志敢告畫史
十

乍涼

清谿曲曲樹如環疏受涼雲屋幾閒數聲白豆花前雨
一髮青菱葉底山

讀漢饒歌雉子斑感之

更生傳中說煮石遁仙人天上足官府巖花畢隱淪飛
揚黃鶴遠局促雉媒親悽惻提翁孺山梁語倍真

詠藕葉

祗爲禁秋雨寒塘立不辭影添南浦靜香遣草堂知零
落持殘綠鏘音赴曉吹山衣慎裁翦野製古來垂

先令秋岸兼樹訪鹿山舊樵所

書品喻山水應參大小王吳興能淡適此事右軍長氣
勝嫌豪舉波迴取退藏舊樵聞健在行與問滄浪

許君至說種香樟語殊旨

勸我種樟樹移枝定指南
鷓鴣谿上話名義許相參
隔日綠到地披風香滿潭
異材難攝護歎息意深含

秋岸說東坡書院之勝

老樹池上鳴饑虎
池中浴眠石鞭不起仰視星光綠
樹亦不知歲暑亦忘其酷
夜深梵放寒泉聲與相續

枯桐葉

莫以獨憔悴林中葉
盡更動搖秋浦色
領袖歲寒聲聽處
得琴理吹來如水清
題詩舊時事索莫不關情

哭江上脫菴逸子憶昔浮湘之役

瀟湘往返路三千
瑟縮悲歌篋屋船
獅子吐雲鳴夜氣

魚山躍日話江天西荒雪窖吟聲隔破寺花籬句譜傳
震喝臨歧人鬧說可堪老淚滴遺編

洞庭鴻跡禪衲訪公之孫生緣茗之上林侍者
兼樹受業也歲在癸丑兼樹春返舊山會鴻跡
三十初度請余言以爲獻

謝公孫子杼山衲掇轉匡廬局勢新昔在書堂橋畔住
憎他文苑老藏身杏花雨洗摩空翅柳絮風吹透網鱗
勸逐春雲試行腳賣鞋人是睦州陳

寶雲詩集卷三

洗藥池編

寶雲南潛著

述寓

葛翁久仙逝藥井空復傳窈窕一陽綠春潭浮曉煙潭
煙非雲族相入不知還憑高亦自可黃鵠在雲天古屋
倚屏風屏風蒼且妍屏風無十二飛來應未全

潭上作

過雨松猶滴山影洗更好幽禽亦投閒弄春喧太早樵
家切歲計山水經略少今朝結繩餘一話雲湘道
高巖弗自異浮沈八九峰雖然同雁次朝煙不敢蒙遠
心如遠峰青插春松中南山山缺處寄想不知終

兼樹未迴

高樹無漏綠危根受芒履潭鳥鏡中飛戀坐不能起所
思方遠道涼帆響新雨共結谿山緣勞嗟應免爾

池舊名洗藥池洗葉勝洗藥也

空山無所贈古鏡以相貽鏡瑩不受葉葉至風洗之水
不自洗水風洗洗尤奇寄言洗心者照影來何遲

野人進一籌長風爲聽之枴葉丹砂紅反側咸可書憐
之不忍觸曉拾雙袖垂秀采祕天地棄捐良足悲吹來
被水面文波淡相隨勿同眾葉洗庶以發清輝

作南山詩

南山工盤紆不能阻我思我思遠何詣晴雲當知之擘

絮無續絲擘雲無勁枝雖然無勁枝葉葉從風吹婀娜
青臺側綠地丹文施俗士不矯首去去狎蛟螭

雨坐作

夕響墮陰崖雨樹無定屬昨夜鹿長鳴領子竹中宿愁
霖避何處未易辭煙谷

潭雨謠

巖鳥靜默草木鏘鳴行詣石橋會聞水聲泥滑不可行
明朝谿怒平

燒竹炭詩

徑篠碧紛紜雜木不知名蒙茸翳文雉雙飛長避人桃
花弄新晴花富家舊貧腰鎌救童稚相隨蠶月新蠶房

畏蠶饑草色桑眼齊蠶寒畏寒雨竹炭燒可遲燒竹炭
瑣瑣口爲樵家悲官吏知織竹作籠光陸離

江上遂典記欲更字字之遺薪作說

閒步踐其徑處處見遺薪一詠陵峰詩如覲荒古人自
我來葛鵠褰裳迴素津嶺匿視乍轉源窮聲始親從來
詣淵致藏顯蘊天真喧喧肯淪物遺委青嶙峋

飯畢所見

縹煙籠高嶂松杉如鏡中雨歇定峰影潭心清若空空
潭煙倒入煙水神相通相通冥元化欲告言已窮

夜檐星見曰炤泥星也頃之煙埋照山

巖花雨厄一百五晚晴不晴猶豫間炤泥星出青一角

呼子鹿來雲滿山

映山紅謠

仙源自窈窕撲落桃花紅東風吹花無次序落花亂點
青崖中崖花照天天入水明日晴霞蒸萬里君不見洞
裏丹成白日飛騎得文鸞杏枝尾

遺秋二樵尋水源不至歌招來之

南高者山浮青氤氳北高者雲嵯峨積白二子尋源遠
至落日闕山有級履有聲闕雲無跡不可聞

弄橈一絕

亂石倒影翡翠綠一幅清愁叢竹煙南浦乍移扶杖手
春風閒弄蓋蓑船

穀雨前四日長歌寄靈珏末

上無片瓦無卓錫道吾言句真大奇神機迅發雲鳥逝
江口一槎嗟已遲生喜船子好節概野馬不慣黃金羈
今年春領二三子風吹瘦骨枯松枝太湖南游復湖北
天無四壁青漢垂春濤作山山作浪爛銀萬頃騰蛟螭
石公勘破石母啞十二辰石蝦蟆敬歸來捨宅報小阮
葛陽一規山水宜夾山昨歲夢飲馬秋江寄扇承先師
此中復圓石屏夢夢泉窻石花離離山樓瀑響冷毛髮
終憶扁舟心素期作書屬綴看雲笠銷夏灣好行先之
作船子歌示遺薪秋岸蒹樹

硯屏九曲誇珍奇海淺碎網珊瑚枝人間眼不到山水

夜窗算子如彈絲青山從來亦偃蹇打併願合高人期
窮搜最苦清景失山貪水惜迴颿遲邇來游事昧元氣
亦如文章古法離煙程淡蕩自畫限雕琢應制捐秦碑
茗谿泊宅遺制在到處雲山我所師前山後山紛揖讓
遠山頓挫船頭馳忽然浩渺忽涼瑟典核宜史風宜詩
長年投篙亦致歎劣勝俗客分雄雌始知乾坤有真本
牙籤萬軸休長齋相攜葛嶺自寒食繁花滿地春樓危
千山迎人作猛雨雷鼓百面匹練垂囊詩細響慎緘祕
詎合唐突嗔蛟螭石橋長嘯一唱和汝作向聲余不辭
柳潭弄楫冒絲雨船子門戶須撐支

得香谷書副之以詩卻寄

瓦礫南陽古基陟

香谷詩中引南陽瓦礫自述

菁山紙中葛山語一

規變滅菁山雲幻到葛山通爾汝高車駟馬羅翠屏近
來名山尙樽俎我作清泉汝爲石兩兩煙蘿古人許谷
乎胡不來葛山葛山谷口無雲遮山花襍襍綴衲線花
鋪洗藥仙人家望疑峨眉千歲雪折笑房州三朵花東
坡廬山舊例在閉壘不復開詩衙

采茶籃

茗筍共煙族筠籃展夙心千峰荷新挈一路近清吟露
潤虛懷得芽柔密護深不辭君子側傾倒見幽尋

雨歇開扉小立舊堂陟有包腰衝叢竹而出者
雪舟也

乍訝樵裝異山腰失路來來從夾山漾雨色曉初開此
會緣離設谿程搯指推論心富潭飲放茗昨宵雷

晦日從東澗出竹折入叢樹古祠路祠中龕佛
而喧社酒

碧縷遙泉竹中注折挫吞聲幾迴吐風雨何曾落九天
分明出在青松樹道傍叢祠雜梵放鐵鳳森嚴已非故
豚蹠榼酒簇春社世尊塵埃得誰訴長年燒猪饌諸葛
寄語山谷聊復護人間倒置難具論無言經本歸添注
吳門鄭桐菴舊年賦十律寄研山頭敘述與先
師離合思慕終始遠近情致中有懷堯封月師
兄一篇會病未答山中追憶有作

人間俯仰安足數翁作良藥非病僕桐巷病不嗟余遠

愧銅梁秀詩贈閻正分輒語杜集贈蜀僧閻正師兄云

語少年場空同一師幾共琴臺泣塵土十年我夢武夷

青韶石早打迴颿鼓酬恩有語各難盡秋雨秋風浩無

主琉璃綠燄花冥冥白月滿天山夢醒迴腸寫上赤柑

葉人在梅谿冷石屏

遺薪兼樹樵泛

畫眉嘯煙蠟嘴餓槎枒礙櫓雨滿衣學弄樵船作漁唱

斜風可道不須歸

沙明石細澗如秋只影青山不影樓中流莫照樵裝影

流到人間影亦愁

相期影不到人間面面篙撐水底山載得銜花癡燕子
破梁權與其松關

青迴在補船村念之

來共對山雨此中還是秋煙開定相望村遠苦無樓萬
壑待新句一囊傾舊愁能傳棹歌否松下具樵舟

葛山日五色記

穀雨四日葛山墓午立第三株老松掠松健鶻矯雙翮
仰頭驚看魚尾紅一規澄射日五色高天蕩蕩摩青銅
松花黃表紺爲裏色繪不盡環中空錦輪在天池在地
水光日彩輪相同危樓殘瓦寶珠色蕩摩破袖花玲瓏
石湖毳衲峨眉頂煮泉萬古冰霜中大圓光現水墨影

仙聖跨象金繩通洗巖雨歇異采集峰巒草木青春濃
登州海市出霜曉重樓翠阜羣仙宮神工鞭龍幻雲海
供養謫困東坡翁蜀郡蒼涼范老逝詩情記筆雙爭雄
我生事事挫神氣豈獨人厄兼天窮饑吟添鉢透樵市
雨漏黃茅哀竹風空山日華炫老眼盤折硬語誇詩筒
苦無筆力退光采兩宋文章慚鉅公全資石屏巧遮障
略分隙影烘枯桐

采藤花見草際抽花如玉甚異

翦冰琢瓣透空明問著無人道得名我頗識渠來處在
峨眉頂上雪抽莖

西軒

瀑聲都入廬山夢白練飛邊萬卷堆可堪字誤經三寫
不厭書殘讀百迴曉雨欲來峰綠正水禽雙去柳絲開
平心更點蘭亭序東晉風流未易裁

送雪舟返江西

我喜遠公筆墨好小時上口廬山篇名山何曾乞文字
世上碌碌驅松煙古文雅頌兩寂莫東晉高僧差足賢
後來作者甘露滅豪氣尙在其神全筠谿緣熟脫未得
石門軒軒文字禪半說匡廬半南嶽稱量卷中多兩邊
浮湘往返八千里九江一望香鑪巔江西合眼入游夢
耿耿此中雙舊綠東風掃雪山花然揩眼飛上江西船
大孤小孤青在指山樓重拍洪崖肩乾坤幾個肝腸在

死不忘師殊可憐
苔谿小住汝別去
石塔苔文歸細鐫
寄聲五老許縛屋
來聽瀑布容高眠

籬門

籬門一半綠
桑侵趁市人歸
鬧竹陰小滴谿
風吹瀑帶冷香山
日炙松鍼老拚江
左且停脚只有湘
西時上心得句旋
忘搜未得雨餘聊
復繞樓尋

密結繩籬勝竹環
斜紋繩絡靠池灣
一迴入室隨風絮
作隊當門著色山
收拾樹根裝釣坐
品題石子進清班
背飛水鳥拍波去
半似驗人閒不閒

詠白頭公鳥

未甘頭白澗邊身
相慰枝間語所親
曉來陣陣楊花過

雪髮蒙頭定未真

憶香谷隨余湘中時忽忽入寒暑矣得香谷菁

山札復之

塗路長沙集煙波笠澤歧

香谷別余時余役谿山同戢影有小西湖之

哀怨各離師

先師示寂于舊年九月

寺古碑傳本

菁山富古碑

仙成藥

有池門前總饒景老覺種松遲

山居

召泉學洗烹花金吹火宵窺貯粟瓶個是山居新證入

向來度日太閒生

竹頭透脫新檐雨日腳消磨舊澗泉一事怪人瞋不得

鷺鷥飛破半池煙

鵝黃鴨綠添描畫荷葉松花巧會稽有件藥頭人要否
落霞只在住居西

未須火急追清景聊且徐行闕水聲思量接手功臣政
學買黃牛不遣耕

斜摺屏風青缺處遠山數筆米襄陽連朝泥滑不曾看
莫訝山僧老健忘

並山支澗逐人行暗谷蒙籠雜蕊明綠樹撥人無意緒
苦遮幽鳥只聞聲

解籜村村竹雨涼遠山新畫綠蛾長權停柏子鑪中火
消受焙茶樵舍香

楊白花鋪雪滿谿罽泥船著曉煙迷東風吹仄看山笠

老鯉衝濤蝶自西

輓塔院此山和尚

茅堂憶當水寺角
癩癖悔成相見疏
扇面清風修竹影
篋中淡墨餉茶書
湘西歸來闕宵話
臘尾哀歌開舊廬
憑藉巖松癯像在
炤人冰雪昔年如

山夜示鴻讓二侍

湯過蟹眼不宜茗
自候折足松間鐺
潑沔仙洞幽鳥苔
窳窳竹園馴兔行
隔隄瀑雷喚人醒
明朝涼雲遶樹生
詩成得稿撚丸嚼
肯問世閒閒品評

石屏六詠

白石白如霜
峰頭曉月光
月光射白石
乍驚飛
燄長

敲

匹素下青天南山白雲墮練帶警樵聲飛過石柑樹拈
 秋風來過遲山葉下何早嶺竹參天長矯首不能埽掃
 開庭貯涼月此中橫藻苻要配洗葉池炤出危樓影削
 難難蜀道難嶺名名左擔不如咬莖齧平挑山月淡挑
 漱石水鏘鳴石齒噴花縷一簇翡翠青寒輝此中吐菜洗

書堂橋

書堂橋橫冷雲吳興晝天下聞勁松有風蓮有露山層
 水複饒清芬人間韻海儘閒事何苦追陪顏使君

喫菱絲

還停采菱唱一翦碧絲紛匝岸影蒼木滿池鋪綠雲別
 開高味淡況有冰霜紋圍外論清供山肴得備員

小市人歸

小市人歸荷藥苗秋風初響澗中條
玲瓏山鳥沙如雪
緩緩行過獨樹橋

立秋

貼體秋風一倍親嶺松吹共歲寒
身證明白石心情冷
洗發青山面目眞暑退門如逃
俗客雲涼天亦喜清貧
危樓未怕冰霜壓結個黃茅倒稱人

述王安道華山

高士王安道華山游格奇作圖四十幅
頰要貴不移山
詩一百五鐵鎖以爲師少師夏圭畫
士氣人歎之始悟
三十年紙絹空自欺先正學師古師古
古心師勿爲馬

寶詩三
首絡此語千秋規華山圖未見與讀華山詩無乃未盡
善尚爲豪所持文章集清氣豪字非小疵詩慎勿爲豪
豪非山水宜人慎勿爲豪天眞淡無涯孟軻浩然氣知
言永爲期淵言賴孤賞年少聽相嗤

補記石公山游

匡廬五老岱丈人洞庭石公鼎足陳高冠峨雲接青漢
想見曳杖鬚如銀堯年龍攫薜髮脫霜筋雪骨飛枯皴
方山滑削蹋不得此公信是無懷民謬聯石姥吳俗謔
打鼓落帆喧水濱挽回名山古題額苦口肯借時流噴
鑿開綫天漏翡翠不豔峽中曦月巡崖裂重開天一綫
信乎我昔所言上古出奇未盡奇方新

借社祠鐘

秋社待秋風寒泉飲社公秋鐘先借我一扣曉煙中

遊記

好山好水總澄練秋雨秋煙更打磨遊難歇腳老謀足
淡到極頭生趣多無人受記自下語從此鳴榔温短歌
綠篙一滴句分灑誰道吹毛須鳥窠

七月朔曉課作

秋首延驕暑峰頭激短更石爭開夜色鐘乍變涼聲宛
與故人遇似穿危路平獻徵殘藁在葉葉照窗清

咏茄

野質承高露山盤曉摘初垂秋疑石乳坼日學蟲書含

寶請三
苦蒂深紫樓卑葉未舒珠璣看剖腹懷抱肯全疏

葛鵠之勝以二水其一鳧蕩一爲洗藥池切洞
池也入山問池池已垢積日經營洗發而復潔

清

石藻冷光動滿池秋髮縈忍殺數年景殺去聲耐將塵土

井山水有時厄潔心終自明來看南嶺月濯影此中行

山行

驕陽炙深谷雜樹吐微香何必蘭與芷中各抱芬芳蘊
眞貴自達匠斲表天良局促鬱清氣坐失天路長鴻鶴
與秋雲分道共飛揚

雲間太史帖

雲間董太史寄聲紫柏師長安馬上交揮手早與離載
之雜帖尾自謂得良規平生善紫柏茲言聊報之有印
曰畫禪丹青自矜奇永想帖中心書畫眞淺窺

種菜詩

鑿鑿南山石堅中刻蛟螭蓬蓬原上土埃飛螻蟻馳朝
來營灌園轆轤汲秋池池柳變青條倦暑從風吹澄流
飲原土膏土榮嘉蔬石田安可耕石圃石當鋤灌土不
灌石適用有良時

鳳尾草

虛名古難受見尾亦何心莫是身藏誤翻令物易尋青
鸞修翅杳韶石舊聲沈不及高鴻去秋舒天外音

過雨

涼雲載急雨夜之南水村經過葛鳴中喧喧集柴門輕
雷乍以遠寂聽無車奔蹙眉各仰視蒼天杳難論雨至
會有時況得秋風恩風澄夜稍永鐘扣青山根

苦瓜詩

纍纍攢細乳銀磔的參差頗似刀劍飾周匝海鯊皮磊
砢不自帖無乃中含悲懷丹雖未剖朱綠文章離春風
蕩湘水水寒煙散遲送艇翼歸帆蓬窗過所齋所齋糜
苦瓜下箸蹙其眉先師嗜深苦父子分甘之送者雲蓋
兄其時前七期其役則浮湘歸日黃柳絲阿潛同啜苦
屏山補製詩

點古漁支石存詩

乍承鴈角新檐滴還挂船窗舊雨絲點到魚山煙霽色
七年秋淚一時垂

憶里中趙長文先生

鈔詩翻訂時文背作隸驚抽章草心憶著斜陽射遠水
市樓句子有人吟

斜陽射遠水先生
作醒草中詩句

書感

疏瓦漏山葉涼夕鳴空庭南嶺竹如簾瑣屑八九星古
人惜清操彈與魚龍聽鐙光潑秋水藥沼共泠泠

鳧蕩中艇子

紫燕飛邊翠蔓牽甯泥秋曉蕩池煙關心江上秋峰綠

取樣尖頭繫柳船

靈巖每遇三峰師翁忌日供茄板湯先師昔在
長沙夜述師翁所嗜泫然久之

思親一飯忍忘初話到瀟湘轉鬱紆硯寄微言羹紫蒂

硯寄者長沙堯封祖廟薦秋蔬鎮州物產霜同色羊棗

深悲例要書更有豆漿沖淡粥詩傳落水十年餘先師嗜蘿

藟及豆漿粥每言豆粥沖淡合道已亥冬元歎有臘八豆粥詩

促織草 有序

有草焉青而歧其首鬪促織者撚草拂其鼻間

踴躍鳴鬪江南名促織草

促織鼓秋翅感憤秋風前同聲亦何怨齧首誓軀捐高

鳴威勁敵露銳擣餘堅勝負裂須臾涼雲流遠天江南
有秋草綠質歧其顛采人少年場穢剝絲少蠲茸茸散
旌旄飄若竿首懸譬一鼓作氣拂齒聲填然相當決前
陣戰罷委青氈秋蟲枉死勇秋草用能偏相看蟲戰場
悲欣浪纏絲動植各矜長適性貴相全挑怒效微能勝
殘思古賢

久不立澗橋上早涼蹋露衫履盡溼

東原折入澗橋路宿雨亂流藤葉低不來一月暗如許
向日千竿綠未齊樵計老看諸子託權歌終想小船棲
石屏風下秋吟足虎跡禽言等是題

南月

涼堂受北山藥沼棲南月茗火聚松鍼谿風揚石髮林
中霜采濃雲表秋河沒清光樓背通面面窗櫺闕

初涼山行

青山不用巧相圍我戀松陰自怕歸會心九節瘦筇健
清賞一聲枯葉飛

春渚紀聞云朱象先少時畫筆嘗恨無前人深
遠潤澤之趣一日於鵝谿絹上作小山覺不如
急急湔去故墨再三揮染卽有悟見自後作畫
多再滌去或以細石磨絹要令墨色著入絹縷
者沈珪道人作墨亦嘗因擣和墨蒸去膠再入
新膠及出灰池而墨堅如石遂悟李氏對膠法

云

沈珪對膠法象先
涵緝理候其物性窮始得浮氣死
今人喜輕涉著表不及裏所以論風詩幽閒以爲旨

秋扇

閒看燕子悠揚去
老愛松風透徹涼
單爲天台雲一片
放將篋裏又思量

中元前一日夢先師明日樓窗下語鴻秋岸

燭影師顏夢語悲
樓頭煙暗說孤危
歌中蜀道銷人氣
過後昭灘蹙斷眉
絕跡喜看山四抱
傷時淚共雨千絲
浮雲不顧濛濛去
舊事於今幾個知

感懷示讓書狀

洞庭西畔山如浪正是石屏風
緊時往日落梅歌茗片
今年飛雨錯萼絲誰家書畫容
尋看幾處谿樓得坐遲
癖愛獨行霜葉下舊時艇子再教移

山影

東嶺如浮船西嶺波浩浩昇月射西偏
插崖船亦好

直隴

秋陰蓋遙綠崖鳥無繁聲西風林暑卷
聽澗曉中行支
嶺蕩迴矚湫流細哀鳴叢條交素溜
色石丹沙明征樵
其雲徑谿市正煙生

金鐙花

金鐙搖晚紅絡緯紫宵作灼灼
原上鐙淒淒澗傍絡冉

冉役道途勞勞隔雲壑莫將垂領絲近照紅鐙著垂領
亂絲那織著金鐙凝煙煙縷薄

寄虞聖民

書畫癖未損眼明清事貪思君埽苔壁枯墨挂秋潭味
冷嚼谿雪行閒送暮嵐晴秋懷雋永詩餉代黃柑

金鳳花

金鳳立秋原叢類湘山矮啄露頸孤迴迎風翅雙擺秦
臺紫煙隔簫聲秋淚灑茫茫海嶠塵遺世誰懸解

澗口

趁市人喧綫路遙西風甦醒藥欄苗秋羅翦翦花清絕
也上樵肩過板橋

倚樹

灑葉旋清波倚樹待其定前嶺分餘綠倒影方池勝掃
石刻秋課縛帚松門靜

轉竹橋西路

空潭煙盡鳥飛入下葉平溝澗聲澀草痕山市曉行多
滿林松子無人拾

春日得周研農問七月遺薪遂野返江上寄懷

二絕

謝翺遊處好山水昨渡錢塘少徧巡釣臺雪與初平石
其待冬青作賦人

峴山敢道襄陽似詩裏梅谿得聖俞定完兩浙續游記

更埽吳興訪雪圖

舊年乞解堯封在七月先師賜扇手墨猶新白
露前三日感痛筆記

乞身批答感師恩飲馬池秋水滿村隔個年頭開賜扇
淚珠如露灑松根

感古

山秋涼候早嶺葉下鏘然飛飛亦相依未忍輕棄捐人
生蕩朝雲詣道承其年周穆豔仙靈八駿圖以傳哀歌
答王母白雲流素天巖松語桃李秀色一朝妍

題李長蘅谿山小幅

檀園集好文韻清正是此中崖瀑聲臨流艇子儻借我

便向先生記裏行

長蘅先生集中有湖山諸記文境雙絕

秋眺

習野得山情歷變窮秋妙淺深詎定妍雲露增新眺空
濛取微羃疏蕩亦斜照誰矜昏旦殊轉矚無前肖遠神
絕停暉靈姿鮮同調我來柳花中果證山如笑更秋涼
候集風松簇青峭

夜聞報更鳥曉起畫眉滿四山

更將蓮漏宵分報眉任秋峰曉畫青變盡好聲山鳥倦
迴風悉索綠蘿屏

鴻秋岸埽地

都緣爲法片肝腸父子谿山共渺茫執帚除他鋪地葉

捏眸着我滿頭霜歲寒兩字牢牢記
蛩叫三聲段段傷
銀杏樹邊斜摺屋此中酬答可能忘

歲暮作

洗藥池旁屋雨淋落楓飄漏滿家
金飛揚老後栽松手
觸撥前賢愛馬心共喜淙淙尋玉澗
相期緩緩碎枯琴
眼中長短年頭尾消得寒寮翦燭吟

懷閔湘人

水市擔書借半巢
茗谿漁隱話難拋
葛衣幾個存先友
杵臼何人更定交
律髓新添身骨瘦
銀鉤捷異舊時鈔
湘中煙冷湘山淡
名字分明合島郊

茗山清絕碧湖尖
配得秋吟鏡一奩
乍道詩王依杜甫

更從字母入華嚴補網得伴還低語擲卦無錢只下簾
貧士傳參文士傳寄言信史不妨兼

深柳堂深釣石孤筆花肯逐葉聲枯那知宗氏名山壁
仍像唐人下第圖風流罪過書千軸瑁璆情懷茗一壺
最愛金山篤交詣苦將學道判髡蘇

鴻還詩湖上有作余復用韻

記得巢居句一巢廣陵絕後事全拋要吹寒谷灰重起
親把吟囊手自交郭索斲開詩路入骷髏格破夜深鈔
鈔來新詠歸來讀讀到鐙寒雨滿郊

歲盡示靈壁樵

千仞高桐鳳許巢啾啾箏笛耳須拋肯將嵩少孤鐙撥

便併峨眉卦擔交整頓石船門戶大網羅種樹祕書鈔
樵家單記樵名好未羨更名學宋郊

展靈源寺記示讓書狀

舊年維艇洞庭腳記裏靈源看始真到處佳山難著筆
繇來好句不多人高僧去遠詩鐙在孫子行空馬骨新
記得石屏楓色否杏花亂點夾松身

入吳不及晤昭法

濛濛舊事破山雷痛定重提轉自哀澗上垂垂泥路滑
愁中番番竹輿來同聞病榻聲三喚忍棄前言土一堆
不道肝腸無分吐吳船風雪又空迴

有呈探春詩亦示一首

歷過風霜信乍通情如病起故人逢同巡疏竹村初濕
憶畫晴山墨就烘緩緩歸期行有腳瑟瑟鼓近酒泊聾
天涯紫燕巢泥在未必空梁逐夢空

編舊詩

谿山層疊夢中看句稱霜天葉樣乾俗簿書排題目好
交疏爲走路頭寒韋詩苦愛何心擬蘇帖頻收欲答難
儘自崎嶇行不得那堪卷外更非韓

靈壁樵作止吟詩貽湘人和之

鬪傳詩陣握奇零直得英雄歎一聲總爲食貧愁島佛
空傳祭酒屬荀卿賦中四壁秋風紫燭底雙眉抱膝縈
豈是煙波蘋槩外松陵報罷舊時賡

九歌何苦續湘君放眼高樓日暮雲詩骨倒愁仙後換
筆花生恨夢中分忘爲顏巷三年艾空是龐家一字勳
落月屋梁逢李白此回也免細論文

守歲

撐起薔薇舊綠屏護霜雲是護花鈴開春池洗三番研
守歲天留幾個星

春草限韻

雲邊雞犬笑劉安看輾晴皋轂盡丹遊子吟愁心寸短
江南畫憶點苔乾平橋遠水詩千里紫燕青茸繡一灘
屋角闌干饒苜蓿盤朝日任團團

羸得遊絲逐地安丰茸碧擁水樓丹放犢笛催遊舫轉

落梅風颺社旗乾平鋪綠錦春煙野差抵銀沙曉月灘
關塞莫將詩夢繞池塘吟社舊來團

墨梅詩

甲寅春正三日漢茗水堂聲倍秋岸兼
樹夜侍請一言作氣次夕詠墨梅因示

懷見

紙窗鐙火墨花浮冰雪容顏黯自愁一千年句落疏影
三四朵寒偏聚頭月蝕詩鈔同點筆棲烏樹晚正登樓
江南柳暗花明日儘放橫枝做淡秋

雪珠

圓逐詩聲瀉短檐彈丸休記舊時拈飛來天上千鳴佩
織挂樓頭水一簾斛賭玉塵棋局變盤傾仙淚渭城添
珠林補隸宗風事縮項楊岐灑未嫌

不信朱門曳履難
珊珊清響下
更闌九天咳唾信如許
一夜谿山采未殘
明月炤門銀磔豔
琵琶聲落玉盤寒
西風儘意掀茅屋
埽得珍珠喚客看

雪

落梅前頭出新意
試手飛花一尺深
天地於今真不夜
古人就此好論心
全彰文彩家風冷
直接混茫詩力沈
絕壑未妨鸞鳳嘯
祗愁行路斷人尋

自和

千峰縞夜元氣集
始悟古來琴旨深
叫絕谿山無異色
相投白石本同心
餘聲蕭條聽乍有
到地飛揚還復沈
老眼忽驚花放盡
雪中春勝霧中尋

題鷺鷥小幅

拍翅劃開青冉冉掉頭對我白絲絲
秋山老衲雙寥落料量相知只汝知

負暄

快雪時晴老不禁半牆殘照是黃金
經營衲綫初伸指顛倒葵花只舊心
遠遊夢境名山記過歲情懷畫角音
尚有巡檐數寒雀繞人終似感恩深

慚媿羲和念槁枯春迴翻羨草根蘇
揭開老後閒詩本話到元人密雪圖
句釣牆頭聊矍鑠心驚屋角指桑榆
霧中花市相將到未必雲煙過眼無

釣竿手在不須遮西日聊供說夢華
老髮風揚酬積雪

枯藤影蹋自龍蛇
牆頭竹亞看金碎
天上鴻飛指字斜
篋裏陶詩拈出曬
田園歲晚憶桑麻

遠山焰出碧嶙峋
光射谿軒頓有神
豪氣除來深惜日
風霜過後重閒身
垂垂黃柳疏遮屋
落落平橋斷問津
休道夜窗偏寂寞
青天還要湧冰輪

澤畔樓分旭日輕
曉寒名苦舊時名
袖摹白石憐同病
立共梅花曬晚晴
檐影自描饑鶴相
頭陀免置骨山評
禪樓一畝宮難結
愁殺茗谿是水晶

谿日荒荒黯自持
茅檐風味幾人知
鏤冰文字當年夢
擇菜工夫正是時
面學嵩山時對壁
琴傳五柳不彈絲
借車莫較移家具
一片霜晴不用移

詠橄欖

遠山翠落玉盤霜果到南宗味信長茗椀乍沈青蒟蒻
雨窗如夢小瀟湘顰眉愴父從拋擲賦手吳都錯比量
格外何曾論甘苦清標兩字是心涼

晴雪中題二子歲寒詩本

湛堂悟入出師表元城參得寶頭禪一生受用不妄語
司馬元來得正傳

楊岐家法自來誇荒草深村別一家詩在水禽飛落處
板橋殘雪耀平沙

元無夜半傳詩法恰好春橋立雪天僧寶分鈔珍舊事
始知北宋山眞賢

沒來繇話句零星光燄文章貴杳冥知接混茫天上派
不曾定乞草堂靈

閱雲林詩集題靈巖寺壁云我到靈巖古寺中
雲煙樓閣鬱重重今朝醉倒山前石留取綸巾

挂偃松

偃松斫盡簇鍼枝古閣存看井畔危輪囷殿後兩株桂
及見倪迂醉倒時

板橋

舍南舍北笭箬汛春雨春煙瀉鷁飛殘黃閃閃落未落
緞綠溶溶歸不歸

笭箬元結自
注音郎當

懷包朗威

靈巖草堂背卦起紙窗看路積湖雲白亭圍霜樹丹詩
筵團舊隱茗椀味幽蘭絕響深悲共琴知不忍彈

題瀟湘夜雨圖

蓋船綠暗樹無名浦口風迴打一更髮共昭灘浪頭白
吹鐙消受遠江聲

用韻寄示天眉

詩律還他古尺量眼中枯草似人長要看太古不消雪
管得峨嵋路已荒

唱酬走筆送行句參了黃楊倒縮禪度驂騑前不難事
古來絕路是真傳

詩人門戶怪浮誇唱歎遺音幾大家說與空明詩樣子

湘潭寒日透江沙

句在屋頭尤易失洞庭兩點白鷗天孫太初詩儘堪舉
到處論交山最賢

餘寒

叫月饑鴻慘暮空柳條未與管東風遮春莫怨千山雪
春在千山雪點中

蓮子用中州集韻

碧粒傾來共剖嘗借他仙佩喚青囊插天太華重包裹
五月臨平舊冷香秋色也知含寸寸水聲真個到房房
苦心屈折萌芽在一曲江南是故鄉

水堂詩

東風不是無才思殘雪吹完又解冰吹得小池紋百皺
鬪他詩話路千層

詩鬪清微不鬪穠隔湖縹緲兩口峰頭白詞人浪行腳
不曾詩裏別南宗

雲林詩禁禁詩豪諫果風情出口高何事詩僧溫日觀
苦心只畫墨葡萄

更休覲面錯詩鬪詩看春風掃雪閒記得浮湘侍師粥
船窗飛過小孤山

洞庭櫻桃葉

輕紅瑣碎點青膠湖闌春漁燕未巢西山異樣秋光早
楓葉分明二月梢

金鍼菜

春風綠透麥芒森遠較樽罍沒孔鍼花松葉底看同挂
玉線拈來不用尋白石難磨塵土色黃金冷刺結交心
箸頭要撥浮雲眼嚼著英雄淚滿襟

聞香谷又在雲荒

舊名鴻雪

惠崇蘆雁扁舟意禪髓分明在水窗未必涪翁詩派絕
淡霜殘雪是西江

靈壁樵坐樵船來

曉寒破壁龍蛇影知瀆漏痕樓雪消野航便趁谿日曬
幾葉殘書攤束樵

湘人同靈壁樵過漏霜論古慨然因及西江舊

游倪迂墨法

社鼓浮雲共一村
喚回古道數言存
乾坤未易眞同調
男子休輕說報恩
二千里外滕王閣
三百年來水墨痕
黯淡前賢心不死
村僧滴淚寫招魂

正月柳

半谿殘日動春濶
縷縷輕黃願影單
挂到收鐙絲更軟
天邊飛絮夜來寒
梅花曲間漁村笛
社字旗飄野廟竿
張緒愁魂銷不得
風流憔悴一時看

自和村韻重寄湘人

約略林逋舊水村
廬邊獨木尙橋存
交投白社分寒色
老託青山亦感恩
古錦囊無童子背
長天雁指去時痕

文通從此休傷別道眼誰消賦裏魂

復雨用前韻

目斷梅花鬧一村東風未肯與溫存門能限客流水在
漏不到書春雨恩閃鑠鑪灰看火粒淋浪屏面拂詩痕
風煙易下滂沱淚翦紙誰招杜甫魂

正月柳復用鴻韻

弄晴一握不禁風漾碧平川望似空白鷺幾絲銀綫遠
青山兩點洞庭通情傷釣浦圍漁網例引鏡歌痛雉翁
看殺玲瓏挂初日斷橋西畔棟花東

寶雲詩集卷三